

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-154 /22
Vareš, 30.06. 2022. godine

Na osnovu člana 12. stav (3) Zakona o vodama Zeničko-dobojskog kantona ("Sl. novine Zeničko-dobojskog kantona" broj 17/07), člana 8. stav (3) i (4) Zakona o komunalnim djelatnostima ("Sl. novine Zeničko-dobojskog kantona" broj 17/08) i) i člana 22. tačka 2. i 7. Statuta Općine Vareš (Prečišćeni tekst), broj:01-162/12 od 11.09.2012. godine, Općinsko vijeće Vareš na 17. sjednici održanoj 30.06. 2022. godine, d o n o s i

O D L U K U
o povjeravanju na upravljanje i korištenje vodovoda pitke vode Pogar Javnom komunalnom preduzeću d.o.o. Vareš

Član 1.

Vodovod Pogar, koji se snabdijeva pitkom vodom sa izvorišta „Mrestilište“ povjerava se na upravljanje i korištenje JKP d.o.o. Vareš i služit će za potrebe vodosnabdijevanja mjesnih zajednica Pogar i Strica-Zaruđe.

Član 2.

Javno komunalno preduzeće d.o.o.Vareš će upravljati ovim vodovodom na način propisan Odlukom o vodovodu i kanalizaciji Općinskog vijeća Vareš broj 01-101/10 od 05.05.2010. godine.

Član 3.

Ova Odluka stupa na snagu osmog dana od dana objavljivanja na oglasnoj tabli Općine Vareš.

PREDSJEDAVAJUĆA
OPĆINSKOG VIJEĆA

Mahira Brkić

Odluka objavljena na oglasnoj tabli Općine Vareš 01.07.2022. godine.

OPĆINSKI NAČELNIK

Zdravko Marošević

adresa: Zvijezda 34, 71330 Vareš
identifikacijski broj: 4218285300002
depozitni račun Unicredit banka:
3380002210017420

tel.: 00387 32 848 100;
fax: 00387 32 848 150;
web: www.vares.info
e-mail: vares@bih.net.ba



O B R A Z L O Ž E N J E
o povjeravanju na upravljanje i korištenje vodovoda pitke vode Pogar Javnom komunalnom preduzeću d.o.o. Vareš

U članu 12. stav (3) Zakona o vodama Zeničko-dobojskog kantona ("Sl. novine Zeničko-dobojskog kantona" br.17/07") stoji: „Vlasnici vodnih objekata iz stava(1) i (2) ovog člana pravo upravljanja i korištenja mogu prenijeti na pravna lica ustanovljena prema propisima o komunalnoj djelatnosti i to samo na pravna lica u vlasništvu države“.

Stav(1) se odnosi na vodne objekte za vodosnabdijevanje.

Općina Vareš je vlasnik navedenog vodovoda i isti se vodi u evidenciji stalnih sredstava.

U članu 8. stav (3) Zakona o komunalnim djelatnostima("Sl. novine Zeničko-dobojskog kantona" broj 17/08) navedeno je da „Općina može povjeriti komunalnu djelatnost subjektima iz stava(1) i(2) ovoga člana, polazeći od prirode komunalne djelatnosti i uvjeta i potreba jedinica lokalne samouprave u skladu sa zakonom

U istom članu stav (4) je navedeno „Izuzetno,snabdijevanjem pitkom vodom stanovništva mogu se baviti samo javna preduzeća“.

Članom 22. tačka 2. Statuta Općine Vareš (Prečišćeni tekst), broj: 01-162/12 od 11.09.2012. godine, propisano je: „Općinsko vijeće u okviru svoje nadležnosti donosi odluke i druge opće akte kojima uređuje pitanja iz samoupravnog djelokruga Općine Vareš.“

Članom 22. tačka 7. propisano je: „Općinsko vijeće u okviru svoje nadležnosti donosi Odluke o upravljanju i raspolaganju općinskom imovinom.“

Izgradnja vodovoda Pogar je finansirana je sredstvima Vlade Republike Hrvatske, Federalnog ministarstvo poljoprivrede, vodoprivrede i šumarstava- Ured za kordinaciju projekta(PCU) i Ministarstva za poljoprivredu, šumarstvo i vodoprivredu Ze- do kantona. Izvođača radova je bilo Javno komunalno preduzeće Vareš.

Ugovorom o izvođenju radova na izgradnji vodovoda Pogar(faza I i II) u članu 12. stoji da Javno komunalno preduzeće d.o.o. Vareš će, nakon završetka radova na izgradnji vodovoda Pogar , isti preuzeti na upravljanje i korištenje.

Nakon završetka radova formirana je komisija za tehnički prijem te je izdato i odobrenje za upotrebu 27.05.2022. godine, da se navedeni objekat može koristiti.

U cilju zaštite ovoga vodovoda,njegovog održavanja kao i obezbjeđenja zdravstveno ispravne vode potrebno je dati ovaj vodovod na upravljanje i korištenje Javnom komunalnom preduzeću jer je u skladu sa članom 8. Zakona o komunalnim djelatnostima propisano da snabdijevanje pitkom vodom stanovništva, Općina može povjeriti samo javnom preduzeću.

Obzirom na naprijed navedeno, predlaže se Općinskom vijeću da usvoji Odluku u predloženom obliku.

PREDLAGAČ
OPĆINSKI NAČELNIK

Zdravko Marošević